

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12331/20
Sarajevo, 28.8.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Zamjena dijela postojeće fasadne stolarije na zgradi OŠ „Osman Nuri Hadžić“

I

Prihvata se preporuka Komisije za javnu nabavku radova i ugovor za javnu nabavku u predmetu – Zamjena dijela postojeće fasadne stolarije na zgradi O.Š. „Osman Nuri Hadžić“, broj obavještenja 422-1-3-169-3-99/20, objavljeno na Portalu javnih nabavki dana 17.7.2020. godine i „Službenom glasniku BiH- Oglasnik javne nabavke“, br. 44/20, dodjeljuje se ponuđaču „HDI“ d.o.o. Sarajevo, sa ponudenom cijenom za ugovor u iznosu od 44.926,04 KM bez PDV-a, odnosno 52.563,46 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Obrazloženje

Odlukom broj 02/12-19-12331/20 od 16.7.2020. godine Općina Novi Grad Sarajevo pokrenula je otvoreni postupak javne nabavke - Zamjena dijela postojeće fasadne stolarije na zgradi O.Š. „Osman Nuri Hadžić“, broj obavještenja 422-1-3-169-3-99/20, objavljeno na Portalu javnih nabavki dana 17.7.2020. godine i „Službenom glasniku BiH- Oglasnik javne nabavke“, br. 44/20. Procijenjena vrijednost nabavke je 85.470,08 KM bez PDV-a, odnosno 100.000,00 KM sa PDV-om. Općinski načelnik je imenovao Komisiju za provođenje predmetnog postupka javne nabavke, pri čemu je jedan od članova Komisije predstavnik Federalnog ministarstva prostornog uređenja, shodno potpisanom Ugovoru broj 02/02-19-10413/20 od 02.4.2020. godine.

Zapisnikom o otvaranju ponuda od 10.8.2020. godine Komisija je konstatovala da je u predviđenom roku, u propisno upakovanim kovertama, pristigo pet (5) ponuda ponuđača: 1. G.D. „Konstrukcije“

d.o.o. Mostar, 2. „Megagradnja“ d.o.o. Zenica, 3. „Niwex“ d.o.o. Derventa, 4. „HDI“ d.o.o. Sarajevo i 5. „Inggra“ d.o.o. Sarajevo.

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Niwex“ d.o.o. Derventa ne ispunjava kvalifikacioni uslov tražen u tenderskoj dokumentaciji iz tačke 3.4.1. b) – tehnička i profesionalna sposobnost, odnosno da je ponuđač opremljen neophodnom opremom za obavljanje predmetnih radova: kamion nosivosti do 5t – 1 kom, fasadna skela min 100 m². Tačkom 3.4.2. b) tenderske dokumentacije navedeno je da se kao dokaz o obezbijedenosti opreme dostavlja izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola (original ili ovjerena kopija). Uvidom u dostavljenu ponudu „Niwex“ d.o.o. Derventa konstatovano je da na strani 30. ponude ponuđač dostavio original Ugovor o zakupu pokretne stvari – teretnog vozila „MAN“, dok je na strani 31. ponude dostavio ovjerenu kopiju saobraćajne dozvole za teretno vozilo „MAN“ vlasništvo zakupodavca, ali nosivosti preko 5t, što nije u skladu sa uslovima iz tenderske dokumentacije.

Iz naprijed navedenog razloga utvrđeno je da ponuđač „Niwex“ d.o.o. Derventa ne ispunjava uslove tražene u tenderskoj dokumentaciji iz tačke 3.4.1. b) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale četiri dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji, te izvršila računsku kontrolu ponuda i utvrdila da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Mega gradnja“ d.o.o. Zenica sa ponuđenom cijenom za ugovor u iznosu od 73.959,15 KM bez PDV-a; 2. „HDI“ d.o.o. Sarajevo sa ponuđenom cijenom za ugovor u iznosu od 83.240,84 KM bez PDV-a, 3. GD „Konstrukcije“ d.o.o. Mostar sa ponuđenom cijenom za ugovor u iznosu od 85.106,33 KM bez PDV-a i 4. „Inggra“ d.o.o. Sarajevo sa ponuđenom cijenom za ugovor u iznosu od 92.803,00 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 20.8.2020. godine sa početkom u 11:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-169/20 od 20.8.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „HDI“ d.o.o. Sarajevo sa ponuđenom cijenom za ugovor u iznosu od 44.926,04 KM bez PDV-a,
2. „Mega gradnja“ d.o.o. Zenica sa ponuđenom cijenom za ugovor u iznosu od 45.000,00 KM bez PDV-a;
3. GD „Konstrukcije“ d.o.o. Mostar sa ponuđenom cijenom za ugovor u iznosu od 85.106,33 KM bez PDV-a, i
4. „Inggra“ d.o.o. Sarajevo sa ponuđenom cijenom za ugovor u iznosu od 92.803,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentulno umanjeње cijene postignute nakon e-aukcije za prvorangiranu ponudu, tako da ponuđena cijena za ugovor ponuđača „HDI“ d.o.o. Sarajevo iznosi 44.926,04 KM bez PDV-a. odnosno 52.563,46 KM sa PDV-om, o čemu je ponuđač dostavio saglasnost broj 20-0458 od 25.8.2020. godine.

Shodno navedenom Komisija je dala preporuku za zaključenje ugovora sa prvorangiranim ponuđačem nakon provedene e-aukcije – „HDI“ d.o.o. Sarajevo.


Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić